

疫

喉

淺

論

疫喉淺論序

甚矣感症之繁雜氣每多於常氣也昔吳又可序溫疫固嘗謂溫疫實多於傷寒而不謂近世以來風氣遷更雜疫之多更甚常疫汪商衡彙編瘟疫於常疫外特補雜瘟須知一卷彙集證候計六十四則如大頭軟脚蝦蟆瓜瓢捻頸麻脚疔瘡化金等症初讀之覺其踵事增華且究其大旨端不外辨脈篇中清邪中上濁邪中下陰陽二氣孰爲前通之變似乎不必臚列名色眩後學之眼目及再思之乃知其不得不爾也蓋常疫人所共知雜疫人所難測當

倉猝之際苟不識此病爲何名復不諳此病之治法臨時雖博攷窮摻而病不待必至趑趄展轉坐以待危甚或依經創解以意爲之苟非頂門之金針鮮有不敗厥事者此雜瘟一卷誠不可少而六十四症足爲臨症者備極未覩之奇矣然而尙有繼來者如吊腳痧盛行於道光辛巳徐子默著論于江南疫霍亂大行于咸豐末年王夢隱重訂于滬上是亦雜疫也亦補古來證治所無也同治甲戌春余過揚州晤夏君春農謂郡中盛行爛喉丹痧由秋徂春沿門比戶天折頗多從古以來旣無定法而俗尙溫熱又

恐於病機未能盡洽心實憂之并出所著疫喉論一篇見
示謂欲補形證治法而未遑也予亦憫非辜之橫折慨成
法之難稽因憶此症吳醫彙講中繆唐祖李諸君并瘍科
心得集蓋嘗言之惜治法未備嘉慶間虞山陳耕道著有
疫痧草一帙分列四法梗概稍詳似可暫濟世用然予久
欲推廣陳氏之說于陳氏補治之外復補未備苦無暇晷
今年春重至揚州而春農已將疫喉之形證治法羅列編
輯哀然成帙屬余序其事余旣自愧其所志之未逮而更
喜吾友之有補於斯民也其書雖述陳氏舊章而進退錯

綜層層清出實較勝于陳氏補前人之未備開後學之指
承此春農一大功也將與汪陳徐王諸君子而并傳不愧
也歟是爲序

光緒元年乙亥冬十月同邑弟湛溪朱曰生拜序

疫喉淺論序

古書之論治疫者多矣而罕及於喉論治喉者詳矣而罕及於疫喉疫喉者迺天地之癘氣人受之於口鼻蓄久而發者也陽氣內蘊本易生熱況兼以疫邪此時溫散非宜概涼不可咽喉要隘爲其阻塞勢不可緩以須臾非膽識兼優安能動中竅要乎 春農先生早歲卽以醫名於時於疫喉一症尤屬舉手輒效心竊異之近讀疫喉淺論一書具見救世婆心非獨醫家之寶筏也按喉爲君相二火往來孔道氣火內結卽成爲痺若癘氣雜擾則機竅更易

閉塞矣此自宜開通肺胃俾邪外達爲極上上著 先生
立法首用辛涼透達則輕者自愈重者亦可減輕譬諸勦
寇當速使解散而不可任其內竄也次則用清涼化毒重
則用攻下去壅總使邪有出路臟腑清甯眞爲探原扼要
而又慮津液耗竭輔以甘潤一門斯爲晰理極精無法不
備醫疫喉也可醫瘟疫諸症亦可於此而會其歸矣吾知
是書一出俾讀者知辛溫升散乃治傷寒之理而不可施
之於疫喉痧甘潤滋陰乃治內傷喉痛之理而不可施之
於初起之疫喉痧本此以仁壽斯民 先生之功亦偉矣

哉

光緒壬寅年秋九月

丹徒後學鄭熙拜序

瘳喉淺論

序

二

疫喉論續序

咽通六腑喉通五臟其病有內傷外感之別而內傷外感
又有寒熱之殊治之亦各有異風寒結於咽喉者溫而散
之風熱結於咽喉者涼而散之內火不足者燥之以辛熱
卽所以開其鬱內水不足者潤之以辛涼卽所以通其關
總使其氣暢痰消則咽喉之患自除此論咽喉之常病也
若夫疫喉之證吳又可瘟疫論言之甚詳則與常病不同
何也咽喉之常病感天之清邪而成咽喉之爲疫感地之
濁邪而得風寒暑溼燥火之氣天之清邪也污穢蟲蛇毒

烈之氣地之濁邪也清邪之傷人也微濁邪之傷人也甚
幾微之辨大相懸殊卽內經所謂奇恆之病其邪能遍傳
臟腑經絡不獨咽喉而咽喉之病較他症更險此夏君春
農疫喉淺論所由作也其書論症則以口鼻受不正之氣
與二火爲患論方則以清營透邪化毒爲主按法用藥活
人甚多其羽翼前賢嘉惠後學之功良非淺鮮矣書久刊
布醫林奉爲渠臬近復詳加增益附以門弟子詮註益臻
美備故因其書之成而樂爲之序己亥八月愚弟張丙炎

拜識

疫喉淺論序

近代言溫疫者以鞠通吳氏爲最詳而實本諸葉氏吳氏
溫病條辨言疫言痧不言喉葉氏臨證指南言疫言喉言
痧而未統言疫喉痧 先生此書明其自來窮其究竟謂
疫者役也如役使然又役者行也用也皆動象也以三焦
相火爲發源以肺胃二經爲戰場以口鼻吸受疫厲不正
之氣爲賊渠其論至明且切予因得推其意而廣之夫用
藥如用兵治病如治敵古人稱要隘之地必曰咽喉然則
咽喉者誠人身之要隘也今疫厲不正之氣而發於咽喉

是要隘已爲賊渠所踞疫喉而見痧則不獨賊踞要隘抑且賊勢蔓延要隘既踞勢復蔓延當此岌岌乎殆之時自非用兵如孫吳必不能奏膚功於反掌 先生以清火化毒爲第一要着直洞見賊之伎倆雖經踞要隘而蔓延究竟不過一不正之氣譬如勝算既握自不難迎刃而解故集中所用諸方皆堂堂正正之師以至正治不正王師所至烏合立散真是擒賊擒渠手段病解之後主以清熱救陰之品又如瘡瘍甫定必掃其餘燄復其元氣而後大功乃可告成苟明乎此以之治天下不難也醫云乎哉疫喉

痧云乎哉

時

同治拾叁年歲在甲戌仲冬之月冬至後三日

鄉愚弟兩芹陳浩恩謹序

疫喉淺論序

疫喉痧一證古無專書其散見於湯科心得繆氏筆記及李純修之爛喉痧論唐迎川之爛喉丹痧論祖鴻範之爛喉丹痧治宜論等書非不各有心得惜皆語焉不詳大率宜散宜清多執已見遠寒遠熱各有所偏甚矣立說之難也况疫喉痧證來勢極險變證極速且最易傳染若不辨晰精透胸中了然倉猝用藥鮮有不草菅人命者吾揚向多是證今春尤甚夏君春農郡中名醫也每診是疾輒應手而效暇時出所著疫喉淺論一書發明歲運及司天在

泉之理斷爲疫由火化而一主於清透篇終附以問答反覆辨論以伸其旨其有功司命豈淺鮮哉或疑是書偏於辛涼與時醫溫散之法不合不知經云一陰一陽結謂之喉痺本屬君相二火爲病加以今歲厥陰司天少陽在泉又屬木火當令春來陰雨連綿以致濕熱薰蒸疫遏不升發爲是病 先生治法專取火鬱發之之意透表解裏之中佐以芳香逐穢清化攻下之劑必須保護真陰所謂必先歲氣無伐天和並非專以寒涼從事也若歲運與今年不同本非火淫所勝卽發爲疫喉痧證亦必與今歲有別

自當因時審證觸類旁通或先宜辛透或先宜涼解或散而兼清或清而兼滲或苦寒以洩熱或峻劑以驅痰圓機活法神而明之存乎其人是當於先生言外之旨會之又烏可以膠柱而鼓瑟哉

光緒乙亥仲夏月同里弟毓才徐兆英拜序

疫喉淺論序

夏君春農著有疫喉淺論膾炙人口余索而讀之脉象形
證解說分明令人易曉治法首以清透爲主次則清化清
涼攻下清熱育陰諸方藥臨證變化妙有機緒誠哉三折
肱爲良醫也余勸其刊刻傳世春農謙不敢任不知今之
自謂喉齒專科者剽竊一二草頭方無論是何病象概以
是藥投之鮮不悞人性命通都大邑知醫尙不乏人僻壤
窮鄉受害滋甚春農此編詳於辨證明於說理精而當簡
而賅果能付梓流傳俾有心者得以周覽臨時有所遵循

則亦指南之一助也濟人之功豈淺鮮哉

光緒丁丑冬月 同里弟十寶第拜讀

疫喉淺論目錄

上卷

圖像

論疫喉痺至危證宜先用刺刮吐三法

疫喉痧論治

疫喉痧總論

附錄疫喉痧問答

治法機緒分清論

雜氣成疫論

辨疫邪少陰咽痛與傷寒少陰咽痛證治不同論

附錄

清咽人中黃湯

附錄伏火紅腫陰

虛白點二則附論廿草枯梗不在禁例

辨論疫喉痧形證四言要畧

下卷

清透之劑

清化之劑

下奪之劑

救液之劑

附錄應用方

漱喉吹喉類方

牙疳遺毒湯飲吹洗敷貼類方

預防傳染解疫方

補遺

痢

虛勞

疫喉治驗


附錄補遺應用方

跋


題詞

江西醫士痘疹辨

正 面 穴 圖



背 面 穴 圖



疫喉淺論上卷

邗上後學夏春農

論疫喉痺至危證宜先用刺刮吐三法

手厥陰心包代心君
行令故曰君火

夫疫喉至危者喉痺也經云一陰一陽結謂之喉痺一陰者手少陰君火也一陽者手少陽相火也二脉并絡於喉氣熱則內結結甚則腫脹脹甚則不通而死矣然君火勢緩則結而爲痛爲腫相火勢速則腫甚不仁而爲痺痺甚不通而痰塞治之稍差變生頃刻近歲大江南北疫厲流行患是證者層見迭出而於幼穉爲尤多緣幼穉臟氣未

充體質純陽新絮被體溫覆汗多火性內動易受疫邪故
未病一二日前必先胸膈氣緊呼吸短促是疫火欲發之
機也經云諸氣臍鬲皆屬於肺諸逆衝上皆屬於火是肺
受疫火薰蒸則氣機不利氣機不利則呼吸短促矣奈何
人不加察食飲無節痰火疫毒混合盤踞以致咽喉驀然
腫閉手足厥冷熱結於內腫達於外頸項一帶漫腫似類
捻頸蝦蟆等瘟壯熱痰壅聲如曳鋸又類纏喉風證然總
不外乎疫毒痰火爲害以痰爲火之本火爲痰之標若加
疫毒傳染則其害尤速故予謂之曰疫喉痺至危症也遍

徐靈胎先生批陳實
功外科正宗喉論云
喉症多端惟熱氣壅
塞不通提痰無效乃
用金針刺出紫血以
洩其火又喉癰成膿
塞住喉管當用披針
瀉其膿除此二者皆
不可針針者十死八
九或有病輕而不死
亦必發作幾次而後
除根並有變成喉痺

考方書無非清火化痰開上奪下之治如清咽利膈湯爲
第一善法但症勢稍緩者服之無不獲效倘症勢迅速喉
關腫閉湯水難下又非湯藥速能奏效者予再四思維必
當先刺少商穴出血以洩蓄熱仿火鬱發之之旨也按發
者發其汗也出血者亦發汗之一端也再用油錢按穴刮
之如夏令刮痧一般使氣血經隧一齊流通俾結熱宣散
庶腫閉可開亦仿內經結者散之之意也繼用吐法以撤
痰涎蓋吐中亦能發散經云凡喉閉不刺血喉風不吐痰
喉癰不放膿喉痺喉蛾不針烙此皆非法是以予特首列

針烙尤慎

刺法宜慎

而爲勞症者戒之戒之

治喉針烙雖古有成法然亦不可輕用故特鈔徐靈胎先生批外科正宗禁針法於前以俟
高明採擇
春農自註

各穴道圖像并分列喉痺悶痧兩種針刮之法以便有心司命者按穴施治以冀救人之急耳至於吐法或用鵝翎蘸桐油探吐或用土牛膝根取自然汁入酸醋少許探吐或用土牛膝草不拘多少鮮扁栢葉一把用井水浸透同搗取汁大半碗入牛乳一酒盃和勻含嚥亦可吐痰或用黃蠶汁和元明粉少許灌喉中以弔其痰再以蜜湯潤之痰漸吐出卽愈或用山荳根汁含嚥或用萬年青葉搗汁和酸醋含漱或用白礬末五分用雞子清一個調勻灌喉中亦能吐痰或用陳霜梅入蜒蛭令化晒乾每取一枚入患者

口中噙化亦能消痰或用雄黃枯礬生礬蘆炙猪牙皂角

各等分研細末用荳大許吹入鼻內亦能吐痰此方治疫

喉痺牙關緊閉湯藥難入故用此吹鼻甚妙或用巴豆

三粒生用以四粒燈頭上燒存性明雄皂子大鬱金二個蟬肚共爲細末

用一半清茶調服如口噤咽塞用竹管吹入喉中須臾吐

痰則喉關自開矣或用皂莢搥碎搗水灌服取吐亦效并

另嚼牛黃解毒丸最妙項外漫腫外用加減三黃二香散敷

之內吹金鎖匙或雞蘇吹喉散如白腐潰甚吹以冰瓜雄

珠散或十寶丹酌量用之再用通關散臥龍丹嚙鼻取嚏

最捷若疫喉癰閉腐潰口臭神糊氣喘壯熱肢冷法在不
治雖有神丹亦無及矣故患者貴宜早治而醫者又豈可
稍事忽畧哉

一喉痺腫閉湯藥難下者急取病人兩臂捋數十次使血
聚大指上以髮繩紮住拇指針刺指甲裏側少商穴出

血如放痧一般左右手皆然再用油錢先刮風府穴屬

脉在項下入髮際一寸兩筋陷中枕骨下五分是穴繼刮兩耳後顙顙穴屬手少

經在兩耳後上兩臂臑穴屬手陽明大腸經在臂兩曲

池穴屬手陽明大腸經即手臂彎也兩間使穴屬手厥陰心胞絡經在

手腕上三寸大紋陷中

兩大陵穴

屬手厥陰心胞絡經在掌中後兩筋間陷中即診脉處之中

兩太淵穴

屬手

太陰肺經在掌後陷中

兩肺俞穴

屬足太陽膀胱經在背第三節兩旁各開一寸五分

分兩膏肓穴

屬足太陽膀胱經在背脊四節下一寸五分

俞穴

屬足太陽膀胱經在背脊第五節下兩旁各開一寸五分

兩肝俞穴

屬足太陽膀胱經在背脊第九節下兩旁各開一寸五分

背脊第九節下兩旁各開一寸五分

兩胃俞穴

屬足太陽膀胱經在背脊第十二節下兩旁各開一寸五分

分兩大腸穴

屬足太陽膀胱經在背脊第十六節下兩旁各開一寸五分

兩膀胱俞

穴

屬足太陽膀胱經在背脊第十九節下兩旁各開一寸五分

均刮至紅暈斑起爲

度俾經絡流通庶喉痺腫閉自開矣

一疫痧悶伏隱而不見皮膚紫黑極危極惡之證也速用

汕錢刮兩肩井穴

屬足少陽膽經手足少陽是也兩臂臑穴

見胸前紫宮穴

屬任脉在胸前第三支臑中穴屬任脉

助骨第四支之中兩乳中間仰臥

中庭穴屬任脉在臑中穴下一寸

取之內為心君之所禁刺切切

中脘穴屬任脉在臍上四寸以

六分陷中第六支助骨

中脘穴線自乳頭下量至臍口

折為兩段居上是

背後兩膏肓穴見兩腎俞穴屬足太

穴俗云肚皮上

兩白環穴屬足太陽膀胱經在

經在背脊第十四節下

兩白環穴屬足太陽膀胱經在

旁各開一寸五分

均刮出紅暈斑起為度再用三指拍山池穴

見下部委中穴屬足太陽膀胱

陽交穴屬足少陽膽經

七寸拍出紫塊刺出黑血并刺兩間使穴兩大陵穴均

是穴

前務要出血無血不治凡所刺之穴每刺一針刺宜橫而淺不宜深而直是爲切要但喉痺之症已屬危險再加皮膚悶痧隱隱不見危險至極斷非湯藥獨能挽回急按以上穴道針刮并舉庶可救其萬一想有心司命者諒毋忽諸

疫喉淺論上卷

刊上後學夏春農甫草

疫喉痧論治

一是書原爲疫喉痧而設如尋常喉癰喉蛾風熱痧疹不在此例

一前賢謂喉證屬風熱者十之七屬火者十之三寒證十無一二然則熱證多而寒證少非僅熱證予謂疫喉腐潰全是君相二火爲害寒證絕無也或因外風相搏者有之然總不宜辛溫發散耳

或兼濕熱蒸騰當加芳香化濁淡滲導濕之品爲安

一疫喉痧治法首當辛涼透表繼用苦寒洩熱終宜甘寒
救液兼痰者清化之兼濕者淡滲之兼風者清散之辛
溫升托皆在所禁

一疫喉痧傳變甚速非如傷寒之傳變六經綿延時日如
證勢太猛裏熱太甚初起不妨清咽利膈湯涼膈散表
裏兼施遲則恐無及矣

一是書首立清咽湯疫喉初起無論紅腫白腐或夜晚燈
下看視不清均宜先服一帖以觀動靜然後再隨證進
方

一疫喉痧皆由口鼻吸受疫厲不正之氣而得方中當於
入敗毒之品更妙或加芳香逐穢一二味尤佳

一疫喉初起先取鮮土牛膝根汁一茶鍾內麝香一厘和
勻隔水頓溫服先吐痰涎然後隨證進方亦可移重就
輕如遍身皮膚紫赤痧點顆粒不分卽當除去麝香爲
要再首列吐法數條參酌用之可也

一疫痧全是相火沸騰營血熱極而化也清營透邪化毒
洩熱卽是托痧之法如吳氏化斑湯犀角地黃湯清咽
化痧煎清咽瀉白散皆可選用

一羌獨二活麻黃升麻半夏薑桂附子茅朮厚樸川草二
烏吳萸細辛芫荑觀音柳櫻桃核白棉紗皆在所禁

一悶痧之證最為凶惡咽喉腐潰湯飲難受壯熱神煩遍
身紫赤顆粒無分肢涼脉伏舌苔灰白垢膩滿布面青
目睜口緊流涎指甲色青胸滿氣粗搐搦譫言自利洩
短以上等證百無一生可速用通關散搐鼻取嚏以開
其閉隨用蘇薄荷一錢連翹一錢五分天花粉三錢象貝母
三錢川鬱金一錢五分鮮苧萍三錢煎湯磨入玉樞丹一
枚和勻頻灌之候形色稍轉再酌進湯劑為要如無以

予擬薄荷等藥煎湯
磨服玉樞丹是治熱
閉之方也如有風表
閉伏者另擬湯藥於
後
春農自註

上諸般閉象不宜輕用喙鼻取嚏辛燥之藥玉樞丹亦不宜輕投也

一瘦喉刺法用衣針先刺少商穴出血以洩疫熱再看咽喉紅紫腫痛已潰未潰或潰而未深項外漫腫痰壅氣閉湯水難受急用喉針在喉之兩旁高腫處刺入分許或一二下或二三下嘔去紫血亦能洩熱消腫或患者畏用針刺可取熟開水一碗傾豆油些許於水面着一人取古銅錢一枚蘸豆油向患者項外腫處刮之如刮痧一般刮至皮膚紅暈斑起爲度亦能洩熱消腫如起

紫斑則熱極矣另有按穴針刮兩法列前宜酌用之爲要

一喉腐色晦神糊氣喘鼻煽口張壯熱自利痧點隱約證在不治勿刺也庶免歸咎耳

一嬰兒臟腑嬌嫩氣血未充也倘患疫喉痧者急當清化去熱留陰爲第一要旨若驟然驚搖者亦熱極使然也不可輕投開竅鎮驚之品如抱龍蘇合等圓亦不宜服速當清上洩下主治俾邪有出路庶驚搖自定矣如涼膈散犀角地黃湯皆可選用若涉虛者三甲復脈湯中

增損用之可耳

一懷妊全賴血以養胎也倘患疫喉痧者最爲險候書云
急則治標客去主安自然之理也清透洩熱在所必施
如熱勢颺張犀角羚羊黃連大黃等藥急進之以洩其
熱前賢謂有故無殞是無殞也遲則熱深血耗瘧厥風
生則母子俱危矣可不畏哉

一予學識淺薄未敢立方敬遵前賢法程妄參鄙意畧爲
增減以備當世

高賢採擇焉然勦襲之謂信難免也再諸方之上統冠

以清咽二字者以明疫喉痧治法全重乎清也而始終
法程不離乎清透清化清涼攻下清熱育陰之旨也古
人謂命名思義殆其近歟

疫喉忌汗者防辛溫
劫津也初來疫在氣
分治宜清宣透表邪
從汗洩不致羈留變
延立奏膚功吾師
謂以汗之有無為治
疫生死之大關頭而
惟在善取其汗汗之
義大矣哉

受業師家駒謹誌

一疫喉治法首重清透者謂清宣透表俾邪從汗洩也雖
有餘焰在內清化可解至於疫邪羈留未從汗解盤踞
陽明化為焰象又非清涼攻下不可下奪之後疫化陰
傷清熱育陰以善其後總之治疫入手之大關頭惟在
善取其汗有汗則生無汗則死可不慎哉

男
增福較字

疫喉淺論上卷

邗上後學夏春農甫草

疫喉痧總論

疫喉痧一證古書未載後人名之曰爛喉痧也吾揚道光年間兩行此疫長幼咸若男女相同互爲傳染其中殞命者不可勝紀今春雨澤稀少天氣亢燥郡中患喉痧而斃者亦弗少也可勝嘆哉夫疫者役也如役使然也又役者行也用也皆動象也動則火生故六氣皆從火化五行之速莫如風火暴病暴死者皆火證也經云一陰一陽結謂

一陰者手少陰心君
火也足厥陰肝也一
陽者手少陽三焦也
足少陽胆也皆有相
火其脉循喉夾咽故
令喉痺然心不受邪
胞絡代心君行令故
又謂之心胞絡

之喉痺一陰謂心胞一陽謂三焦二脉并絡於喉氣火內
結故成喉痺又經云諸熱瞋暴瘡冒昧躁亂狂越罵詈
驚駭肘腫疼酸氣逆衝上禁慄如喪神守噦嘔瘡瘍喉痺
耳鳴及聾嘔涌溢食不下目昧不明暴注暈瘵暴死
皆屬於火此段經文俱指少陽相火爲害也是以疫喉初
來咽喉卽腐或左或右或左右全腐其色或白或黃或紅
或紫其痛或重或輕或不痛遍身熱如火燎皮膚紅暈如
斑青色或白或黃或灰黑或粘厚脉象或浮數或弦數或
洪大或沉伏嘔吐氣喘神煩昏冒自利洩赤口乾唇紅燥

包絡與三焦只一膜
 相連故其脉從三焦
 室胸中而歸於心包
 出於乳後一寸腋下
 三寸之間名天地間
 脉過腋下至肘抵曲
 肘陷中名屈澤穴刺
 痧瘕多取此出血以
 瀉心包之邪也疫喉
 亦宜刺此穴大陵在
 掌後兩筋之間又中
 指之末名衝夏婦孕
 則此穴脉動足見心
 包血旺也
 西醫謂心之上而
 週圍有夾膜裹之
 卽包絡也包絡上
 連肺系由肺系連

亂驚惕或微惡寒而垢肢涼謔言摘擗輕者猶可救療重
 者多不逾三日而死也何也緣乎手少陽三焦經與手厥
 陰心胞絡經相爲表裏三焦相火沸騰直犯心胞故神糊
 不識人也前賢謂溫病首先犯肺逆傳心胞予謂疫喉痧
 三焦火炎直犯心胞同一危病也且咽喉者水穀之道路
 也喉嚨者氣之所以上下者也會厭者音聲之戶也懸雍
 者音聲之關也喉者候氣喉系墜空連接肺本爲氣息之
 路也咽者嚥物咽系柔空下接胃本爲飲食之路也天氣
 通於鼻地氣通於口口鼻吸受天地疫厲不正之氣與肺

及於胸內之四面
皆是油膜又下爲
膈膜又下爲網油
膜所膜皆三焦
也三焦與包絡相
通其迹如此故包
絡之脉下膈歷三
焦出腋入肘抵掌
中循中指之端故
中指應心亦由於
此

胃蘊伏之熱混合盤踞一遇少陽相火沸騰肺胃蘊熱與
疫厲之毒一齊上千或加外風相搏遂令咽喉暴痛暴腐
也肺主皮毛胃主肌肉三焦火炎薰蒸營血故爲痲爲痧
也此疫喉痧之所由來也愚見以三焦相火爲發源以肺
胃二經爲戰場以吸受疫厲之氣爲賊渠也夫厲者烈也
猛也故變症迅且速也又厲者毒也火也而克奏膚功又
以清火化毒爲第一要着也奈病來倉卒成法無稽以致
治者潔訟紛紜或謂先治其喉禁用寒涼或謂首重痲痧
當宜升托然總難獲効不知疫厲之氣充斥三焦猝然而

春按溫邪犯肺逆傳
心胞緣包絡之脉上
連肺系也予謂疫喉
痧屬三焦火炎直犯
心包蓋包絡與三焦
只一膜相連故相火
炎上直犯心胞最為
便捷也夫三焦之根
源實出於腎系由腎
系下生連網油膜是
為下焦中生板油是
為中焦上生膈膜是
為上焦夫腎系者即
命門也命門為相火
之根三焦根於命門
故亦主相火也子故
曰三焦相火沸騰直
犯心胞理必然也錄

發咽喉一腐遍身皮膚紫赤如癰如痧并無顆粒可分世
所謂爛喉痧是也考前賢以傷寒胃熱失下衝入少陽則
助相火而為癰衝入厥陰則助君火而為疹傷寒胃熱失
下合君相二火尚為癰疹何況疫痧本是君相二火為害
乎此疫痧之不宜辛溫升托也明矣且予歷驗之於患疫
喉痧者疫痧一回無不皮膚甲錯可見營血亢害已極每
見投風藥升散過度者或幸不致斃然皮膚蒸熱逗遛總
不易清必須涼營清熱救陰之品日夜頻進大作湯液直
待營陰來復而外熱始清也是疫痧亦當以清透化毒涼

之以備明哲酌政

春農自註

紅腫屬熱紫腫熱極
均宜清散兼有寒熱
表邪者疎達透表之
品量症輕重加入以
汗出邪透為度黃腐
濕熱相乘白腐濕重
於熱芳香淡滲之品
皆當隨症增入為是
男增福謹註

治洩熱之法為正治不必分治喉治痧之先後也又明矣

再喉之紅腫者熱也紫腫者熱極也黃腐者溼熱相乘也
白腐者濕重於熱也譬之於物火逼則焦腐置之潮濕之
處亦能糜爛耳大凡喉之紅腫紫潰皆大痛難忍也黃腐
則痛緩也白腐則不痛也或有微痛耳經云諸瘡痛癢皆
屬心火白腐不痛者非潮濕醞釀之明證乎予不揣鄙陋
妄論如是謹遵前賢法程草擬數方非敢言法聊備當世
高賢採擇焉然管窺之見難免班門弄斧之誚即求明哲
君子見者幸甚予亦幸甚

附錄疫喉痧問答

歲在乙亥仲春月之望日有客悄然而問曰先生疫喉論中云去春雨澤稀少天氣亢燥致患疫喉痧雖白腐蔓延而禁用溫散者我已知之矣然今春淫雨兼旬天氣輕寒揚城患疫喉痧較去歲尤多而尤險何也至白腐蔓延果屬火耶抑寒痰之凝結耶請先生明以告我予聞之默然既而喟然答曰嗚呼醫道之難言也春溫夏熱秋涼冬寒四時之正氣也反此皆爲厲氣戕氣醞釀疫由以生去春亢燥今歲輕寒同一釀疫之原也且

甲爲太角甲已化十
土運統之故曰太宮
乙爲少角乙庚化金
金運統之故曰少商
此從化氣而言也

男增福謹註

春寒料峭淫雨兼旬
水濕泛濫容或有之
然亦不宜辛溫發散
當從清宣透達佐以
芳香化濁爲是吾師
論中已明言矣請思
之受業嚴德昭謹註

辛涼透達參以芳香
氣道開通邪潰疫化

少陰經

甲戌乙亥納音同屬丙丁申爲太宮土齊木化乙爲少
商金兼火化今歲又值厥陰司天風淫所勝少陽在泉
火淫所勝肝膽相通木火熾騰加以連綿淫雨以致疫
暈不升故今春疫喉悶痧較去歲尤多且險也經云必
先歲氣無伐天和予恐今歲疫喉痧不獨爲害三春矣
明眼人能無思慮預防乎奈何子以春雨兼旬指爲寒
證疑清宣之非是欲溫散之混投且又云白腐寒痰凝
結意在溫散驅痰殊不知疫喉悶痧毒火深藏爲本客
風相搏爲標辛涼透達參以芳香氣道開通邪潰疫化

是治疫之大旨想有心司命者當體會斯思也

增徐素謹註

肺主天氣色白屬金
瘟疫上蒸氣分受病
清開氣分之疫的是
止治 另增福謹註

方香宜達以暢氣機
直待疫升火發酌准
清化攻下然宜發之
中以保津液非專
寒涼從事故一則
氣道開通邪潰疫
冉則曰清開氣分
疫為是終則曰芳

若妄投溫散暗竭津液火勢燎原杯水難制至疫喉白
腐前論已明茲再補其未備者蓋白屬肺金主平天氣
疫蒸氣分上見金象治當清化氣分之疫為是予首立
清透之劑一派辛涼輕清宣透不傷津液為化疫之捷
徑妙隱不齊亦借辛涼輕揚之品以助宣發荆芥前胡
葛根杏仁蟬衣豆豉山查枳殼牛子姜蠶鬱金橘紅透
表通裏相輔而行至於悶痧危候先用通關散喘鼻取
嚏以開清竅繼用玉樞丹芳香宣達以暢氣機直待疫
升火發再酌進清化攻下之品然宣發之中步步以保

宜達以暢氣機是
透上焦氣分之邪
治疫之第一大關
井明言非專以寒
從事也然則吾師之
扼重氣分不啻三令
五申而吾師之苦心
孤詣於斯更可見矣
受業嚴德昭謹誌

治疫諸法前論已詳
惟入手治法首重清
宜透表邪化汗解
然可愈一經傳裡
症蜂起岌岌危矣
治疫以出表為順

津液為主非專以寒涼從事也今子不明歲運之陰陽
徒以時令不正之寒熱相問故不惜反覆詳言以揭其
旨耳客聞之恍然而笑曰向之百種疑團今聆先生一
言而破之快何如也謹為先生書之以質當世之高明
者

治法機緒分清論

夫疫喉治法最重入手機緒分清庶免變幻也然治法要
旨總以疫火已熾未熾為兩大關鍵耳如疫喉初起表未
解火未熾者清透之劑量為增減即可圖功倘表尚未解

裏爲逆是入手治法
可不慎重乎哉

男增福謹註

子擬薄荷連翹花粉
鬱金貝母鮮浮萍磨
服玉樞丹治熱閉之
法也如無煩躁熱象
但身熱無汗神迷者
可去花粉連翹浮萍
加入荆芥香豆豉紫
蘇梗清化宜洩透邪
出表冀其開神清

春農自筆

疫火已熾者不解表不可單解表尤不可須以透化雙清
之法并進不悖乃可向安疫喉治法如是悶痧治法亦如
是也而悶痧一證又爲疫喉中之險而尤險也以變生莫
測斃不終朝耳故悶痧初來疫火未熾當速用開關散噎
鼻取嚏內用薄荷花粉連翹鬱金貝母鮮浮萍煎湯磨服
玉樞丹逗數開閉用浮萍者取其輕揚升發耳有汗者急
去之恐升發太過也如痧悶未開疫火已熾神昏躁擾炭
炭可危當速用臥龍丹噎鼻取嚏內用紫雪丹三四分新
汲水調灌之清火開閉以安神明倘牙關緊急湯水難嚥

速將牙關撬開取紫雪丹二三分卽塗舌上庶可挽回一
二或另磨烏犀角汁頻灌亦妙然下之過數不迴則上之
清靈難開急當接服清咽三黃湯或清咽利膈湯隨證加
減上開下奪背水一戰冀奏膚功否則稍遲卽無救矣此
予治悶痧疫火已熾之屢試屢驗也然一得之愚定難絲
絲入籠惟祈當世

高賢匡其不逮俾患疫喉悶痧者共登壽域也是予之深
願矣

雜氣成疫論

甚矣疫之難言也如春應溫反寒夏應熱反涼秋應涼反
熱冬應寒反溫非時不正之氣觸冒之者長幼相同互爲
傳染名曰疫症然此皆屬常疫前賢治法具載簡編不難
憑證處方所可危者雜疫耳雜疫者雜氣成疫也夫雜氣
者風寒暑濕燥火六氣之外廼天地間別有一種天扎暴
厲之氣如天之毒霧黃沙地之山嵐瘴氣溝渠積穢土壤
藏污加以兵燹之後水旱頻仍道路流亾半多藁葬尸氣
臭味混合瀰漫一遇狂風飛揚鼓舞隨風散漫遍及方隅
是氣也無形可求無象可見况復無聲無臭何能得睹得

聞其來無時其著無方人在氣交之中七竅空虛口鼻爲最忽逢是氣憑空而來必得乘虛而入經云邪之所奏其氣必虛其爲病也內而瘟疫癘痢霍亂軟脚等症外而大頭癩癘疔瘡瓜瓢等瘟以及疫疹疫痘之類無非皆受雜氣之爲害均危候也其至危者莫疫喉痧若也古人謂咽喉爲要害之區疫痧屬君相二火要害旣經邪據火勢又復鷗張充斥三焦蒸騰血脉外化疫痧內擾神明治之稍差不斃何待且予厯驗患疫喉痧而斃者非幼穉及酒色是耽者幼穉臟氣未充酒色是耽者肝腎空虛脾濕內蘊

蓋太陰脾土從濕化也濕蘊熱伏積久上膈由太陰脾絡上膈挾咽蒸變白腐極險症也茲論清透攻下法中力葆真陰是治溫熱成疫之法也清熱滲濕方內參入芳香是治濕熱成疫之法也溫熱兩門又當分別治之想有心司命者當毋忽諸

清徐秉素謹誌

也是以肝腎空虛之人未有患疫喉痧而不危者再考十二經中太陰之脉上膈挾咽連舌本散舌下少陰之脉循喉嚨挾舌本厥陰之脉循喉嚨之後上入顙額下絡舌本故前論疫喉白腐屬濕熱上蒸蓋太陰脾土從濕化也吾特於清透攻下法中力葆真陰清熱滲濕方內參入芳香奈何世人不究病原每遇斯症動輒投以麻桂細辛以誇膽識超羣不知麻黃發太陽之表桂枝和衛外之陽細辛溫少陰之經與疫喉痧極不相合也嗚呼醫者不識六經不足以治傷寒不明六氣不足以治時感而六氣之外更

多雜氣吾故以非時之氣成疫爲常疫而雜氣成疫爲雜
疫雜疫之危更勝於常疫良以六氣有限循序可求雜氣
無窮茫然難測矣著雜氣成疫論聊備有心司命者之採
擇云爾

茲有友人詢及疫喉痧症近年以來大江南北靡不盛
行一歲之中無時不見不獨僅見於三春更不獨僅見
於甲乙兩歲運也究竟是證果屬不正之氣所致耶抑
別有雜氣使然耶予聞之欣然答曰善哉斯問也不正
之氣皆爲厲氣雜氣者卽種種不正之厲氣厲氣之發

予以二便之赤白清濁爲少陰寒熱二邪之關鍵再以脉象參考脉沈細而微者寒邪也脉沈細而數者熱邪也其見證寒則但欲寐而身無發熱熱則雖欲寐而心多

其來無時其著無方故其害甚速君以雜氣相詢甚有先得我心予不敏勉著雜氣成疫論以質之仍祈

高明教我是幸時光緒歲在戊寅孟春月上元節夕春農

自記

辨疫邪少陰咽痛與傷寒少陰咽痛證治不同論

蓋六經中三陽以少陽爲樞紐三陰以少陰爲樞紐而疫喉痧尤以二經爲吃緊樞紐故前論疫邪充斥三焦加以肝膽木火熾騰直犯心胞危亡立判已詳言矣至於少陰疫喉一證尙覺闕焉未備茲續論之夫少陰屬腎爲人一

生煩若兼背惡寒口
中和者屬寒背惡寒
口中燥者屬熱寒邪
咽痛不腫熱邪咽痛
而腫腫甚而腐熱之
証也似此脉證合參
則寒熱二邪瞭如指
掌矣 春農又詳

身之根本位臨坎水一陽居中故少陰一經兼水火二氣
而寒熱相雜最不易圖仲聖於傷寒少陰篇中厯言死證
誠以寒傷少陰甚可危也而疫犯少陰則其危尤甚考傷
寒少陰篇云少陰之爲病脉微細但欲寐也少陰病欲吐
不吐但欲寐五六日自利而渴者屬少陰也虛故引水自
救若少陰病形悉具小便白者以下虛有寒不能制水故
令色白也少陰病下利清穀裏寒外熱手足厥逆脉微欲
絕身反不惡寒其人面色赤或腹痛或乾嘔或咽痛或利
止脉不出者通脉四逆湯主之細繹斯文傷寒少陰咽痛

予嘗讀仲聖傷寒論少陰篇云少陰病下痢咽痛胸滿心煩者猪膚湯主之按少陰病者脉微細但欲寐也合之下痢咽痛胸滿心煩等症仲聖雖列於傷寒論中細繹斯文的係治少陰熱邪下利咽痛之門選也何則觀於下利清穀四肢逆冷自利不止吐利腹痛諸條則寒熱二氣之邪判若揭緣熱邪深蘊焦少陰腎經腎形豆左右各一枚中油膜一条名曰腎

與疫邪少陰咽痛其緊要關鍵全在一便剖別何也以腎司二便故也蓋寒傷少陰之陽陽傷則腎火不藏循經而上走空穀故令咽痛然上雖咽痛下有寒邪故小便色白而下利清穀疫傷少陰之陰陰傷則不能潛陽循經而上走空穀亦令咽痛然上已咽痛下復有熱故小便色赤而下利渾濁吾故以二便之赤白清濁爲寒熱二邪之緊要關鍵故仲聖於傷寒少陰咽痛方中首立甘草湯取甘以緩之配以桔梗取辛以散之亦辛甘化陽之旨然甘草倍用於桔梗不使辛味出頭用意頗深雖有半夏湯及散方

腎系者即命門也邪犯少陰觸動命門則火勃然無制擾攘三焦而上爲咽痛下爲自利中爲胸滿心煩則神識昏昏欲寐矣然脉雖微細而細中必兼數象也且三焦之根源亦出於腎系命火沸騰三焦同病火勢燎原膈中受焚津液頃刻消亡故變生莫測子歷治少陰白喉種種見症適相符合仲聖製猪膚湯取甘潤生津以交濟水火而安中土是治少陰熱邪安內潤燥

用半夏桂枝取其除嘔散寒而柯韻伯註云此必有惡寒欲嘔症故加桂枝以散寒半夏以除嘔若夾相火則辛溫非所宜矣韻伯於傷寒咽痛尙致意辛溫非所宜况疫喉本屬相火爲害乎又少陰篇云少陰病嘔而咽中傷生瘡不能語聲不能出者苦酒湯主之方中亦用半夏而柯註云必因嘔而咽傷胸中之痰飲尙在故用之且以散雞子苦酒之酸寒但令滋潤其喉不令泥痰於胸膈也可見前賢不但姜桂慎用卽半夏亦慎用也再考傷寒少陰咽痛方中尙有猪膚湯猪爲水畜津液在膚用以爲君取其滋

之正治也如或火已
鷄張蒸騰外達安內
必兼行攘外子師其
意另擬人中黃湯從
安內攘外立法庶幾
獲效耳
歲在光緒戊戌年小
陽月望日春農補註

猪膚湯方備考
猪膚一斤

右一味以水一斗
煮取五升去渣加
白蜜一合白粉五
合熬香和令相得
溫分六服
春叔夫子謂仲聖傷

化源培母氣水升火降則陰平陽秘而咽痛除矣是傷寒
咽痛仲聖尙有滋潤生津之法何世人於瘦喉矣用辛溫
果何效法乎雖仲聖立有通脉四逆湯方用姜附取其溫
裏通脉脉出則生脉不出則死是脉爲生死關頭非以咽
痛爲生死關頭用姜附通脉非除咽痛也明矣且通脉湯
後註明病皆與方相應者乃服之足見仲聖立方慎重恐
後人妄用辛溫何今人用以治疫喉乎不知疫犯少陰陰
火上衝上爲咽痛脉象微細昏昏欲寐或吐或利溲赤且
少溫熱無汗或有微汗苔黃或赤口渴咽乾似此形症來

寒論中少陰下利咽
痛之猪膚湯的係治
少陰熱邪下利咽痛
之正治所論詳明具
見卓識另製人中黃
湯安內攘外足開後
學門運心存濟世功
莫大焉故特附錄猪
膚湯以備參考
受業侄景昭頓首

勢甚猛變幻甚速一投辛溫毒火渙散上犯心營外化疫
痧隱而不透內擾神明神識昏沉危亾之機更勝於毒火
充斥三焦之候是疫邪少陰咽痛與傷寒少陰咽痛受邪
之來路不同二便之見症亦異則治法奚容相混不但疫
邪咽痛與傷寒咽痛治法固不相同卽疫犯少陰與疫犯
少陽而治法亦有微異蓋疫犯少陽三焦閉塞神昏氣喘
閉奪兼施硝黃芩連在所弗禁若疫犯少陰水虧火旺吐
利神糊危如朝露硝黃固不當用芩連亦難足恃以腎木
無實實則轉屬陽明不在此例矣嗚呼疫喉之難圖也如

此予本不敏再四思維稍有所得勉擬清咽人中黃湯以
治少陰疫喉從甘苦合化複以芳香透邪然一得之愚殊
難自信姑擬此以備

高明裁而用之可耳

附錄清咽人中黃湯

治少陰咽腐下利煩滿昏寐脈細
數身熱微隱邪未宣達火已鴟張

人中黃

江西豆豉

浙貝母

湖丹皮

黑元參

連翹壳

香銀花

京木通

右藥

用生白蜜一
大茶匙和水

煎服神糊加犀角陰傷相火旺者加

天冬生地知母黃柏白腐加馬勃聲不出加雞子白或

有兼症清化諸方均可參用此方另錄於前者特爲少陰疫喉立法也

附錄伏火紅腫陰虛白點二則

伏火咽喉者乃血分伏火上升非吸受厲氣也其證身無寒熱但咽喉紅腫乾燥而痛口苦澀黃知饑能納治以清咽潤燥湯去石膏加茜草根丹皮赤芍藥以降伏火則咽喉自消矣

又有陰虛之體每多陰火上炎經云陰虛生內熱以一陽居於坎水之中也水虧則火旺旺辛苦操勞則火

升而上焚肺金咽中燥痛兩關白點三五聯綿形似珍珠白而光亮但此屬內傷外無寒熱迥非疫喉白腐形色晦暗可比每當秋燥之際亢旱之年多有是證治以清咽潤燥湯去石膏加元參麥冬陰虛甚者加天冬生地黃峻滋天一之水以制陰火俾水火既濟庶咽痛自平而白點自退矣燥火甚者石膏不妨仍用之亦可總之神明變化臨證者當自有權衡非逆料者所能周到耳以上二證每逢疫喉盛行之際間有此證出焉患者見其白點聯綿疑爲疫喉白腐害人甚速舉家無不驚

慌惟仗臨證者鎮靜曉諭以安患者之心伏火陰虛兩途隨證投方無不獲效倘醫者不明白指示患者神識慌亂吾恐其患雖輕者必重重者必死矣故不揣庸愚特爲拈出以冀患者醫者之兩有把握云爾

附論甘草桔梗不在禁例

甘桔湯仲聖特爲喉證初起立方爲千古不易之法故前賢治喉諸書無不採用奈何後人謂甘草補中而不瀉火既補其中則火愈熾病愈重矣桔梗引諸藥上行藥既上行則痰與火亦引之而上行勢必喉間痰壅於

錄諸論詳明未敢
贊古今歲又值厥陰
司天少陽在泉令行
南政風火用事現交
大暑四氣太陰少陰
乘權土運不及君火
加臨火炎土燥病多
暑溫嗽痢風痧疫喉
五氣陽明太陰用事
瘧痢喘咳燥氣使然
終氣太陽主氣少陽
加臨合之地火熾盛
水源被劫涸可立待
錦恐冬時伏溫得相
火而內熾則疫喉痧
又將流行也謹誌之
歲在己亥荷月望日
受業陳錦昭百拜讀

病更加重矣凡患喉證者甘桔概宜禁也予初味斯言
似覺近理再四思維然亦有不盡然者蓋甘草生用瀉
火桔梗開散滯氣凡喉證初起疫火內伏邪未宣透藉
甘草以瀉內火藉桔梗以開肺氣亦上開下瀉之意也
如疫邪宣透火勢鴟張毋庸再行開提桔梗方可去之
故予清化諸方中無桔梗亦此意也至於嘔吐痰壅濕
熱蒸騰則甘草亦當去之恐甘能令人滿也若一概禁
忌勿用未免失之太偏耳愚見如斯未卜是否姑附錄
此以待 高明教政云爾

疫喉淺論上卷

辨論疫喉痧形證四言要畧

咽喉腫爛

喉有二孔曰咽曰喉咽居喉後納食之由喉列咽前納氣者流咽關腫爛通胃須籌喉關腫爛清肺兼收疫喉初起分別重輕赤紫凶險紅潤順平重爛滿布輕爛零星微痛易散痛甚難清腐爛色黃明潤何妨晦暗終險白腐悲涼白如猪脂濕疫參詳白如枯骨音啞非祥白延小舌一名蒂丁火灼陰傷救陰化疫清熱相當

發熱惡寒有汗無汗

疫之重輕先審發熱溫熱有汗邪易外洩壯熱無汗邪不肯越或有微寒疫邪蘊結清透清化方無虛設辛溫取汗津液內竭舌乾神煩痧癰不徹清上奪下貴在早決痧屬身熱症勢尤烈清熱育陰兩不可缺

疫痧

痧如沙子點出皮膚
艸紅而紫丹痧相呼
溫疹膚赤紅痧如霞
成片顆粒不分清涼
法善

婿徐秉素謹註

疫喉乍起痧點隨生皮膚紫赤顆粒無分壯熱神煩悶痧危程透達清化庶可回春色轉紅潤化險爲平稀疎高點奏效如神痧屬膚燥奇陰須憑辛溫升托例禁分明

脉象

瘦喉腐爛脉要審詳浮緩平順弦數披猖清透清化審證
定方喉爛痧隱沉伏爲殃弦數洪大火勢鴟張清上奪下
功效異常神昏壯熱細數非祥數爲火灼細屬陰傷辛溫
誤服津液消亡救陰清火危者安康痧屬洪數餘焰須防
沉細微弱陰陽互戕

舌色

舌色一條辨症最明
細心體認自無寒熱
難投之悞
雙葉嚴德昭謹註

脉體已辨舌色當分粉白潮膩疫伏未升若帶灰潮濕熱
互仍毒火潮濕辨別須清伏邪初出兼症未形論寒則悞

論熱匪眞疫中兼濕濕中有溫偏寒偏燥變證紛紛苦辛
透達參以芳芬氣開疫化引邪外騰乾白煩熱疫火內淫
黃垢潮膩濕熱薰蒸清上泄下移重爲輕疫升火發苔黃
乃成熱宣濕化潮退灰平痧艷舌絳火勢尤深舌縮苔黑
喉爛神昏壯熱痧癰命難更生

面色

疫喉乍起面色須詳紅亮火盛清化相當青滯晦暗痧
須防清開清透審證定方喉爛痧隱神呆非祥鈍青皖白
逆證堪傷

痧子亦名麻疹乃心
脾毒火而上薰於肺
故見咳嗽噴嚏也

咳嗽喘呃失音

痧本肺病咳出咳進喉爛不深痧透安定喉爛痧隱咳甚
火燒透化雙清以觀動靜喘息不平悶痧匪輕神糊喉爛
壯熱歸陰痧艷氣喘火勢沸騰清上洩下却病回春若逢
呃逆肺胃熱深清開肺胃呃逆無增咳甚音啞清肺何暇
口有穢氣肺爛非假痧後音嘶虛勞危兮清金培土庶挽
天機

項間外喉漫腫牙關拘急

疫喉腐爛項間漫腫拘急牙關陽明毒壅透化兼清腫消

無恐毒結不化神丹何用

毒泡

痧點之側毒泡相加輕如白癰重似水花毒火潮濕混合
無涯清化滲濕熱退爲佳

神煩神昏譫語口渴鼾睡鼻煽

心主神明神識宜清疫火內熾心君欠靈喉爛痧隱譫渴
匪輕透達清化神爽安甯便秘脉實清洩兼行舌乾煩渴
參以育陰神煩神呆心胞火蒸清開清洩庶幾回春再加
鼾睡喉有痰聲鼻煽氣促百難一生

嘔吐乾噤吐蟪

痧隱嘔吐疫伏甚深透達清化使疫宣騰神煩乾嘔火勢頻增峻清疫火功效有成吐蟪乾噤痧隱尤惡壯熱譫煩難平救藥

自利便閉便溏洩瀉

暴注下迫皆屬於熱喉爛痧隱熱勢尤烈若逢便閉疫火內結壯熱神煩速投清洩痧隱便溏熱留大腸清透清化痧達安康痧後便溏虛在脾陽和中培土清熱審詳熱畜下焦溲短而濇洩黃熱輕洩赤熱極丙腑不通洩痛如塞

導赤清通庶可奏績

腹痛

疫痧腹痛僅熱無寒火鬱於內清化開顏或兼宿食消導
相參神呆痧隱悶痧細看肚熱腕痞氣促尤難清上奪下
危者向安

目赤齒衄鼻衄

火性上炎兩目純赤毒蘊陽明齒鼻雙衄峻投清化疫升
火熄陽秘陰平血症如失

牙疳遺毒

瘦痧毒留牙疳堪愁不治之候五證細求清火化毒走馬
速投用藥應手厥疾乃瘳更有遺毒四肢四彎項間腮畔
漫腫尤難身熱氣促不寐少食毒留正敗惡候難堪扶正
化毒清熱相參外加敷貼危者轉安

附錄牙疳五不治

口臭涎穢者一不治
黑腐不脫者二不治
牙落無血者三不治
穿腮破唇者四不治
用藥不效者五不治

疫喉淺論下卷

刊上後學夏春農

清透之劑

病殊寒熱藥判溫涼爛喉稱疫迥異尋常首重達表
清透相當禁投溫散毒火內藏透后清化護陰莫忘
庸愚鄙見質諸

大方

清咽湯

統治疫喉初起寒熱咳嗽咽喉腫痛已破未破者并宜服之

荊芥穗

防

風

微寒暑月有汗勿用

桔

梗

苦杏仁

瘟疫忌用辛溫發散
治從辛涼透邪不耗
津液為正治方中雖
有防風註明微寒暑
用有汗勿用若浮萍
之輕散汗多者亦當
去之此吾師治疫喉
初起不宜妄用表散
三致意焉茲謹記之
受業邵家駒謹註
瘟疫論三焦錄可不
用六經表藥但兼陽

明經症如目痛鼻乾
不寐身熱無汗或汗
少涉及陽明經症則
葛根又不妨暑為用
之得汗即去亦防升
散太過傷耗津液可
見用藥之亟當慎重
也

受業卽家駒謹註

蘇薄荷

甘草

枳

殼

生用

鮮浮萍

牛旁子

前胡

量用

白僵蠶

青橄欖

水二鍾煎八分溫服取汗如痰多嘔吐者去甘草加

鹽水炒

化橘紅鬱金汗多者去浮萍防風前胡

清咽葛根湯

治疫喉腫痛微腐身熱汗少痧隱
神清舌白脉鬱不起者以此達之

粉葛根

量用汗
多者去

荊芥穗

鮮銀花

白僵蠶

蘇薄荷

牛旁子

桔梗

蟬衣

枳壳

生用

甘草

查肉

赤芍藥

水二鍾煎八分溫服無汗加香豆豉

熱甚加連
翹山枝

子製清咽梔豉湯治
 邪在氣分舌乾口渴
 從宣發上焦清熱化
 邪立法方用犀角者
 以其有譴煩恐邪入
 營也故用以護營
 神清微煩勿用者
 引邪入心包也口
 舌乾譴煩不渴壯
 無汗邪蘊營分必
 冀營化邪邪化乃
 則生地元參花粉
 母又須酌用紫草可
 加 春後補註
 滲濕湯治濕疫之白
 喉也苔色灰潮脉濡
 帶數是濕蘊熱內熱
 蓄濕中濕與熱台最

清咽梔豉湯

治疫喉紅腫白腐壯熱汗少痧隱不齊心煩懊懣
舌乾口渴

脉數邪鬱未透內火已熾等證

生山梔 香豆豉 香銀花 蘇薄荷

牛蒡子 粉甘草 烏犀角 神清微煩禁 白僵蠶

連翹壳 苦桔梗 馬勃 蟬衣

蘆根一兩燈芯二十寸竹葉一錢水二鍾煎八分服

清咽滲濕湯

治疫喉紅腫白腐微汗身熱痧隱心煩苔色灰潮而黃

屬糾纏之象方中用粉葛麴荷此藥以宣清茯苓滑石茵陳以導濁豆卷化經隧之濕牛蒡馬薤清咽退腐用地漿水者亦升清導濁而化濕熱也再量濕熱輕重加藥則不遺餘力矣
一受業侄景昭胡謹註

脉濡帶數脘痞洩少上喘下利者此疫火濁濕混合逆證也清透分利并治以衰其勢

粉葛根

枇杷葉

絹包

大豆黃卷

西茵陳

蘇薄荷

蚕

退

或用桑退紙

牛蒡子

茯苓皮

白通草

整滑石

連翹壳

馬

勃

右藥用地漿水二鍾煎八分溫服如熱甚加金銀花

烏犀角炒黃

連

活水蘆根

濕甚加

石菖蒲廣藿香

省頭草地

漿水者以新汲水沃黃土攪濁再澄清是也

清胃導痰湯

治疫喉紅腫白腐身熱有汗炒見不透咳嗽痰壅神呆
氣粗苔黃粘厚脉滑兼數心煩少寐者

蘇薄荷

苦杏仁

苦桔梗

整瓜萁

大貝母

化橘紅

鹽水炒

牛蒡子

川鬱金

赤茯苓

白蘇子

枳實

鮮竹茹

陳白蘿蔔英

水二鍾煎八分溫服心煩甚者加黃

芩連

烏犀角熱痰

甚者加風化硝白蘿蔔汁青橄欖汁去陳白蘿蔔英

如咽中痰涎壅甚者當量用前列各吐法

清咽瀉白散

治疫喉紅腫痧見不透咳嗽氣喘肺熱太重等症

桑白皮

地骨皮

牛蒡子

蜚皮

甘草

連翹壳

鮮枇杷葉去毛絹包

大貝母

鮮蘆根代水煎服

清咽潤燥湯

治疫蒸氣分咽喉紅腫上有細碎白點身熱有汗口渴唇燥脉數心煩或秋燥薰蒸致咽喉燥痛者

苦杏仁

霜桑葉

丹皮

連翹殼

粉甘草

天花粉

象貝母

軟石膏

牛蒡子

水二鍾煎八分兌青橄欖汁半酒盃溫服

清化之劑

表邪貴透伏火當清火本邪末厥理分明邪鬱火熾
形勢非輕標本雙顧清化兼行涼膈消毒法守前人
火升邪透俾入佳程

清咽消毒飲

治疫喉腐爛灼熱汗少神煩痧隱脉象弦數苔色乾黃

口渴面赤項腫等症

鮮銀花

連翹殼

烏犀角

山枝

黃連

牛蒡子

元參心

人中黃

馬勃

薄荷

紫豆衣

板藍根

水二鍾煎八分頻服便秘加大黃

清咽涼膈散

治疫喉腐爛痧點紅赤神煩氣促口渴脉數灼熱譫言
便閉熱痰壅於膈上者急進之勿懈也

天花粉

山枝

元參

大貝母

薄荷 黃芩 黃連 銀花

川大黃 風化硝 烏犀角 連翹

竹葉二十片煎加蜜一匙和勻服或加人中黃

清咽白虎湯

治疫喉腐爛痧艷口渴舌絳少津神煩脉洪內火大熾
毒壅陽明者

元參 羚羊角 馬勃 麥冬

軟石膏 生地 犀角 生甘草

知母

竹葉二十片粳米三錢水二鍾煎八分服

清咽甘露飲

治疫喉腐爛或黃或白神煩炒赤口渴脉數苔燥而厚
洩赤而濇唇舌破爛等症

鮮生地 西茵陳 黃芩 鮮石斛

烏犀角 石膏 枳殼 麥冬

人中黃 馬勃

鮮枇杷葉三片蜜炙絹包水二鍾煎服

清咽化痧煎

化癰煎即吳氏清營湯去黃連加丹皮瀉血中伏火芍藥通血脈而清熱茅根化熱消瘀通房入厥陰血分而清血熱合之清營湯一派涼血瀉火之品火不蒸騰營血靜謐則疫痧而自化矣去黃連者避苦燥也加人中黃者清穢濁之疫也至於地骨露金汁童便清熱生陰以成輔佐之功能耳血熱毒盛加紫草受業在景昭謹註

治疫痧紅艷顆粒無分灼熱無汗神煩口渴脈數膚燥

舌絳喉爛營血熱極等症

鮮銀花

粉丹皮

元參

紫丹參

鮮生地

人中黃

麥冬

白茅根

蓮房

赤芍

連翹

犀角

竹葉二十片水二鍾煎八分兌陳金汁二兩地骨露

一二兩溫服金汁易童便亦可痧症紫黑加大青葉

清咽導赤散

治疫喉痧透舌燥脈數洩瀉不通者

鮮生地

元參心

麥冬

甘草稍

連翹

青黛

細木通

燈心二十寸竹葉二十片水二鍾煎六分服

清咽救肺湯

治痧透熱留肺傷咳嗽脉數舌乾津液成痰等證

霜桑葉

鉛半角

元參

北沙參

川貝母

鮮石斛

連翹壳

麥冬

海粉

水二鍾煎八分兌枇杷露二兩溫服

下奪之劑

火燄沸騰杯水難勝甘霖普降枯木回春臂臨大敵
簡練雄軍攻堅破壘斬關奪門兵貴神速掃盡狂氛
善培根本膚功告成

清咽三黃湯

治疫喉腐爛痧艷神煩灼熱口渴脉實便閉等證

元參 黃連 小生地 麥冬

連翹 生山枝 大黃汁 竹葉

黃芩 生石膏

水二鍾煎八分兌大黃汁服神呆加犀角如表鬱無汗合前消毒飲服之表裏雙解若兼痰熱壅甚者參進礞石滾痰丸二三錢

清咽奠陰承氣湯

治疫喉腐爛灼熱痧赤譫語神煩舌乾絳或乾黑脉數便閉癰癰抽搐內火大熾津液已傷等證

元參

麥冬

大生地

甘草

生用

知母

馬勃

大黃

犀角

風化硝

北沙參

水三鍾煎八分兌童便一鍾溫服如神識模糊者急
另服萬氏牛黃清心丸一粒竹葉燈心湯下

救液之劑

寒傷陽氣熱涸陰精扶元救液兩大門庭疫由火發
火盛灼津透化攻奪善保真陰兵精糧足卒克堅城
餉需匱乏枵腹誰能大哉津液關係匪輕始終培固
立致昇平

清咽養榮湯

治疫喉痧透舌絳無津脉數少寐筋惕肉瞤等證

西洋參 大生地 抱木茯神 大麥冬

大白芍 嘉定花粉 天門冬 揀元參

肥知母 炙甘草

水四鍾煎六分兌蔗漿一鍾溫服餘毒仍盛者加烏

犀角

清咽復脉湯

治疫喉腐爛痧透熱留舌乾少津脉數而細五液乾涸

虛風鼓舞等證

西洋參 小塊牡蠣 炙驚甲 敗龜板

乾生地黃

炙甘草

杭白芍

火麻仁

黃阿膠

元參

麥門冬

天門冬

鷄子黃

童便

水四鍾煎六分去渣入阿膠上火烱化內鷄子黃攪
令相得再沖童便一大鍾溫服

喉痺悶痧爲疫喉最危之證夫喉痺宜開悶痧亦宜
開故予首立清透之劑透邪外出以喉痺開而悶痧
亦開矣如疫已宣透火漸沸騰當繼進清化之劑以
洩疫火不至燎原爲順若疫未全透火復熾張清透

清化并行不悖方可獲效總之疫未全透痧未外達則前葛荆防爲必用之品疫已全透痧已外達則前葛荆防爲必去之藥甚至灼熱痧艷則化痧煎白虎湯又在必用之方至於毒火燎原更非下奪不足以折其勢則稍黃芩容緩矣然脈實湯滌直攻無往不利如清咽三黃湯清咽利膈湯皆可選用或素本血虧或火盛陰傷稍黃固難容緩真陰亦莫能少則真陰承氣之法又爲扶正祛邪之要着也寇邪既去正氣必傷經云有餘而往不足隨之復脉養榮養壽其

後俾元氣來復庶大功告成矣是爲跋

疫喉淺論下卷

附錄應用方

苧麻酒

凡疫痧初見取苧麻不拘多少用木瓜酒兌水煎熟頭面遍身頻頻撲之以痧出爲度

良方通關散去細辛方

治疫喉邪鬱痧閉脉伏面滯牙關拘急藥難下曠鼻塞

氣促等證

薄荷葉

猪牙皂角 等分

右爲細末以紙撚少許入鼻內候得噴嚏口開隨進

湯藥

玉樞丹

一名紫金錠

治疫喉悶痧閉證如前者

文蛤

破

洗焙淨末三兩

山茨菇

去皮淨末三兩

干金子

去油取霜一兩

紅芽大戟去蘆焙爲末一兩五錢麝香

另研三錢

右用糯米煮濃飲爲丸分作四十錠每取一錠用蘇

薄荷一錢 連翹一錢五分 花粉三錢 象貝母三錢 川鬱金

一錢五分 鮮浮萍三錢 煎湯磨服一半如形色已轉停

後服不知再服此丹治療解毒甚繁未及細載另閱

方書便悉

清咽利膈湯

治疫喉腫痛痰涎壅盛胸膈不利煩躁飲冷大便秘結

等證

連翹 黃芩 甘草 山枝

薄荷 銀花 桔梗 黃連

荊芥 牛蒡子 元參 防風

大黃 朴硝

水二鍾煎八分溫服

涼膈散

治疫喉上焦火盛中焦燥實等證

大黃 芒硝 連翹 薄荷

黃芩 山梔 甘草

竹葉二十片煎加蜜一匙和勻服

吳氏化癰湯

治疫喉發癰熱甚者

石膏 甘草 白粳米 犀角

元參 知母

水八杯煮取三杯日三服渣再煮一鍾夜一服

犀角地黄湯

治疫喉發痧毒火入營吐血衄血發狂發黃營血熱極等證

犀角 生地黃 赤芍藥 丹皮

水五杯煮取二杯分三次服渣再煮一杯服

吳氏三甲復脉湯

治疫喉痧透熱傷津液虛風內動等證

生牡蠣

生龜板

生鰲甲

乾地黄

白芍

大麥冬

貢阿膠

炙甘草

火麻仁

水八杯煮三杯去渣入阿膠上火烱化服仲聖復脉

湯無芍有參姜桂加酒煎

礞石滾痰丸

治疫喉濕熱食積老痰壅遏者

礞石硝煨一兩

大

黃

酒蒸八兩

黃

芩

酒炒八兩

沉

香

另研五錢

右藥共研細末滴水爲丸如桐子大每服三五十丸

量人強弱加減

萬氏牛黃清心丸

治疫喉熱邪內陷心胞神糊譫狂等證

犀牛黃

二分五厘

鏡面硃砂

後

生黃連

五錢

川鬱金

一錢

黃芩

三錢

山

梔

三錢

右藥共研細末熟蜜做爲丸每服一粒竹葉燈心湯

下或入犀角羚羊金汁甘草連翹薄荷湯劑中更妙

牛黃解毒丸

治一切喉痺喉風咳嗽喘急痰涎壅塞胸膈迷悶并口舌等症無不見效

牛黃

五分

青

黛

一兩飛淨

冰

片

五分

明

雄

五錢

兒茶

三錢

硼

砂

五錢

薄

荷

三兩另研

膽

星

四兩

共研細末白蜜和丸如芡實大每噙一丸待其自化

嚥下一日夜須噙四丸小兒減半

臥龍丹

治疫喉悶痧閉象未開疫火已熾并治卒中霍亂閉厥

者用涼開水和服些許亦可

犀牛角

飛金箔

各四分

梅花水片

荊芥

半躑躅

各二錢

麝香當門子

五分

硃

砂六分

猪牙皂

一錢五分

燈心灰

二錢五分

九味共研極細磁瓶密收毋使泄氣臨用以少許

鼻取嚏癰疽發背蛇蝎蜈蚣咬傷酒塗患處

紫雪丹

黃金

十兩不用亦可

礬石

一斤

石膏

一斤

寒水石

一斤

磁石

一斤

四石共搗碎用水一斗連金煮至五升去渣

入後藥

鈴羊角

五兩

木香

五兩

犀角

五兩

沉香

五兩

丁香

一兩

升麻

一斤

元參

一斤

炙甘草

八兩

以上八味并搗剉入前藥汁中煎至一升五合去渣入後藥

朴硝

硝石

各一斤

提淨入前藥汁中微火煎不佳手

將柳木攪候汁欲凝再入後二味

辰砂

三兩

麝香

二錢

共研細入前藥拌勻合成退火氣

鉛罐密收每服三四分至一錢量用新汲水調灌之

按以上三方肆中所售偽者居多黃金牛黃犀角麝香
價值昂貴每多不用或用些許耳凡治卒閉之證甚不
可恃惟祈

好善者照方配製遇此急證以救人則陰功莫大焉
集中所擬諸方均未註明分量者以方有一定分量無
定也至於斟酌損益或二方合用均俟臨證者神明變
化以應無窮之變耳所有傷寒少陰咽痛諸方概不登
錄以示區別春農謹跋

疫喉淺論下卷

漱喉吹喉類方

疫喉腐甚口有穢味速取蚌水漱喉或頻飲亦可

龍虎二汁飲

治疫喉乍起已破未破者均宜頻頻飲之

青橄欖肉 生白蘿蔔

二味等分取自然汁隔水頓溫頻飲或漱喉亦可

又漱喉方用鮮土牛膝根洗淨搗自然汁重湯頓溫頻頻

漱之極效并治一切喉症消腫散血止痛化痰

又嗽喉方用山豆根馬蘭子馬勃等分煎湯頻頻漱之

又嗽喉方用射干不拘多少滾水絞汁加滴醋少許噙漱
能引吐痰涎喉腐者去滴醋

金鎖匙

治疫喉腫閉痰涎壅塞口噤不開湯水不下

焰硝

一兩五錢

礪砂

五錢

白僵蚕

一錢

明雄

二錢

冰片

二分五厘

共研細末以竹管吹患處痰涎即出

鷄蘇吹喉散

治疫喉初起腫痛腐爛或白或黃者吹之能止痛去腐

生新

鷄蘇薄荷

五分

白殭蠶

五分

硼砂

一錢

馬牙硝

一錢

馬勃

三分

冰片

一分

右爲細末吹之如爛甚者合冰白散痛甚者合碧雲

散

冰白散

治疫喉腐爛忒甚者

梅花冰片

五分

人中白

五錢

粉兒茶

五錢

粉甘草

一錢

元明粉

五分

鷄內金

要不落水者其
上焙乾五錢

右藥共研細末吹之

碧雲散

治疫喉腐爛甚紅紫痛甚者

西牛黃

三分

冰片

二分

硼砂

二錢

甘草

五分

黃連

一錢

黃栢

一錢

青黛

一錢

青魚膽

二個晒乾如無魚胆
以青菓核灰代之

右藥共研細末吹之以上三方參合互用功效異常

冰瓜雄硃散

出張紹修善吾氏時疫白喉捷要

西瓜霜

二兩將皮硝灌入西瓜內秋風吹透瓜皮上起白霜卽是

人中白

一錢火煨硃

砂

二錢雄

精

三分

冰

片

一錢

共研細末再乳無聲頻頻吹之如非白喉減去雄精

又吹喉方名十寶丹如初起各種喉風淡紅微腫痰涎上

壅虛火等證一切勿用另有喉科前門吹藥

西牛黃

三分

大貝母

去心三分

人中白

煨五分

馬

勃

三分

大珍珠

入豆腐內煮去油另研六分

硼

砂

四分

血琥珀

五分另研

大梅片

半分潰爛者

不宜多用

人指甲

四分陰陽瓦上炙焦如一時難覓即用煨龍骨四分亦可

青魚膽

五分大者佳陰乾收用如無青魚膽即用乾青菓三枚煨炭代用

右藥共研細末端治一切已潰未潰腫痛色艷爛喉

痧證並治痘毒攻喉以及疹痘後牙疳楊梅毒結咽

喉消腫止痛化毒生肌此仙方也其效如神屢試屢

驗萬勿增減此方載疫痧草中

爛喉痧方

出金匱翼

西牛黃

五厘

冰片

三厘

珍珠

三分

人指甲

五厘男病用女女病用男

象牙屑

焙三分

青黛

六分去壁錢二十個焙土壁磚上者
灰脚淨壁錢可用木板土者不可用

右共研細末吹患處效

牙疳遺毒湯飲吹洗敷貼類方

清胃散去升麻加犀角石膏方

大生地

當歸身

牡丹皮

川黃連

烏犀角

軟石膏

水二鍾煎六分溫服治痧後熱毒留於陽明牙齦

血牙疳破爛等證

蘆薈消疳飲去升麻方

治牙疳身熱氣竄穿腮破唇等證

蘆薈

銀柴胡

川黃連

石膏

元參

胡黃連

生山梔

薄荷

桔梗

鈴羊角

牛蒡子

甘草

淡竹葉十片水二鍾煎六分食後服

北棗丹

治痧後牙疳用北棗去核每箇內入信一厘燒存性研細每以此三許搽患處并治痘後牙疳極效

無比散

治痧後牙疳潰爛

取黃牛糞煨存性人龍腦少許研細吹之

又牙疳第一神方

出疫痧草

青黛

一錢

西牛黃

一分

人中白

錢一

冰

片

三分

珍珠

五分

血餘炭

一錢

舊紅氈子炭

一錢

小紅棗

七枚去核每個內入明雄黃少許煨炭

右藥共研極細末磁瓶收貯勿令泄氣凡遇痧疹後

走馬牙疳並皆治之先用冬青葉煎水漱淨再以此

藥乾上

柳華散

治痧後毒火上攻口齒破潰牙齦宣腫等證

川黃柏 蒲黃 青黛 人中白

等分研細吹之此方載景岳全書

溺白散

溺

垢火煨枯白礬二錢白霜梅二錢燒存性

右研細末先用松蘿茶煎成濃汁乘熱以鷄翎蘸洗患處頻頻吹之

洗牙疳方

銀花三錢 甘草三錢 人中白三錢 粉兒茶三錢
鮮薑微根一兩

右藥用米泔清水煎湯候溫洗牙齦疳爛處

連翹消毒飲

治遺毒腮項漫腫及四肢腫痛者

連翹 陳皮 甘草 桔梗
元參 歸尾 赤芍 山枝
葛根 射干 紅花 大黃
黃芩 花粉

水二鍾煎八分食後服有痰者加竹茹毒火甚者加
犀角石膏

加減三黃二香散

治瘰癧初起項外漫腫用此消散

錦紋大黃 五錢 生蒲黃 四錢 川黃柏 三錢

共生研細末再入

原麝香 三分 上梅片 三分

和勻爲末用茶清調敷或用白蠟融化敷之亦可如
紅腫熱甚用大青葉汁或芭蕉根汁調敷均可

紫金丹

出疫痧草

治疫痧後遺毒項中耳後一帶漫腫堅硬無論色紅色白用此并效

多年尿池中陳磚不拘多少放炭火上煨紅入滴醋內浸透再煨再浸如此五七次取出研細末每兩加麝香一分用滴醋白蜜各半熬滾調敷如塌皮形色紫艷用陳菜油和鷄蛋清調敷

二青散

治疫喉痧遺毒頸項漫腫未成者卽消

青黛

一兩

黃栢

一兩

白欬

一兩

白薇

一兩

青露

三兩即芙蓉葉

白芨

一兩

白芷

一兩

大黃

四兩

朴硝

一兩

天花粉

三兩

白鮮皮

一兩

水龍骨

即多年船船舊油灰一兩

右為末用醋蜜調敷已成者留頂未成者徧敷

蝨蚪拔毒散

治痧後遺毒太重腫痛難忍者

寒水石

研極細末

淨皮硝

研極細末

川大黃

各等分研極細末

蝦蟆子

初夏時河內有蝨蚪成羣大頭長尾撈來收罈內泥封口埋至秋天化成水

右用蝌蚪水一大碗入前藥末各二兩陰乾再研勻收磁罐內每用時以水調塗患處

預防傳染解疫方

銀花二錢 冬桑葉一錢 川貝母一錢 料豆二錢

管仲一錢 大麥冬一錢 生甘草八分 萊豆五錢

黑芝蔴五錢

右藥用新鮮黃土二兩長流水攪清去土煎服可解疫除熱保肺清金或將前藥同黃土共和一處用布包浸飲水缸中亦能解疫春秋五日一換夏三日冬

七日一換

凡人身佩漢玉古玉可避瘟疫沙厲一切不正之氣出本草綱目

凡臘月三四九天每日食生白蘿蔔數片可免來春喉患如遇疫喉盛行之際凡人欲避者宜日食白蘿蔔數片最妙或用食鹽拌白蘿蔔食之亦可

疫喉淺論補遺

痢

疫痧後毒火遺留外攻而爲牙疳遺毒諸證內陷而爲痢
下紅白諸證然疫痧後滯下亦險候也速當以治痢法治
之如痢下色白者黃芩湯加青皮陳皮防風煎湯送香連
丸下膿血者白頭翁湯加當歸尾赤芍藥川芎防風兼食
積者加麥芽枳殼山查若因正虛邪陷而成下痢者乾姜
黃芩黃連人參湯去乾姜加炮姜炭防風然痧後下痢總

以解毒行滯參以升清爲要旨若兼身熱煩躁呃逆氣喘
痧癰晦暗噤口不食再加痢下汚晦如屋漏水如鷄肝汁
如黑豆汁之類皆死不治

虛勞

喉痧標病虛勞本無也然疫火甚重綿延日久或因溫散
誤投耗竭津液而成者有之或因正氣素虛攻下太過而
成者有之如土不生金肺陰大傷咳嗽蒸熱食減脉細者
六神湯加洋參麥冬貝母玉竹主之如正氣虛餒脾陽下
陷便溏肢倦食少脉弱者參苓白朮散加黃芪防風主之

總以甘藥調和脾胃溫養氣血爲主經云勞者溫之損者益之切禁苦寒重傷脾胃也

爛喉痧治驗

一劉姓者年三旬餘體質陰虛烟癮甚重患喉痧三日邀予診治咽關白腐壯熱神煩痧點紫赤顆粒無分誠險候也隨進透化雙清之法煩熱稍定痧點漸分惟內火鴟張舌色花斑舌屈純赤脉數而洪便秘溲少急進清咽三黃湯合滾痰丸法得大便三次熱減神清痧點大透繼以養陰救液之品疊服數劑諸證皆平惟喉關白

腐未退予思少陰之脉循喉嚨厥陰之脉繞於咽龍雷
沸騰陰火上冲致令咽腐不退也改用導龍歸海從治
之法六味地黃湯去山萸肉加麥冬鹽水炒懷牛膝重
便浸上桂心一服腐退其半再服而愈

附錄補遺應用方

黃芩湯加青皮陳皮防風方

黃芩 甘草 白芍 青皮

陳皮 防風

水二鍾煎服

香連丸

黃連

淨十兩

切如豆粒用淨莫茱萸五兩二味用熱水拌

和入磁罐內置熱湯中頓一日同炒至黃連紫黃色爲度去莫茱萸不用

木香 每製黃連一兩每木香二錢五分

右爲末醋糊爲丸如桐子大每服一錢

白頭翁湯加歸尾赤芍川芎防風方

白頭翁

黃連

黃柏

秦皮

防風

當歸尾

赤芍

川芎

水二鍾煎服

乾姜黃芩黃連人參湯去乾姜加炮姜炭防風方

炮姜炭 黃芩 黃連 人參

防風

水二鍾煎服

六神湯加洋參麥冬貝母玉竹方

潞黨參 冬白朮 雲茯苓 炙甘草

懷山藥 白扁豆 西洋參 大麥冬

大貝母 肥玉竹 生薑 大棗

水二鍾煎服

麥苓白朮散加黃芪防風方

潞黨參

雲茯苓

冬白朮

白篇豆

綿黃芪

青防風

陳皮

懷山藥

炙甘草

建連肉

砂仁

生薏仁

甜桔梗

紅棗

水二鍾煎服

六味地黃湯去山萸肉加麥冬牛膝桂心方

乾地黃

大麥冬

福澤瀉

懷山藥

雲茯苓

粉丹皮

懷牛膝

鹽水炒

桂

心

童便浸

水二鍾煎服

前論姜桂辛溫之品皆在所禁者言其常也今補遺篇中姜桂辛溫之品在所不禁者言其變也且喉痧初來疫火正熾喉痧解後疫火已清奚可以同日語哉要知臨證處方隨機應變神而明之存乎其人矣刊上後學夏春農謹識

再予歷年治驗頗多均從清透清化入手繼以下奪終以救陰未有不愈者茲特錄劉姓一案者因疫火解後

陰火不平白腐不退轉用從治之法收功姑留此以備
一格云爾

跋

昔我先妣朱夫人四旬外多疾類勞證淮陰吳鞠通先生
書方曰建中湯一百劑服四十劑良已其後體雖弱壽逾
七十而伯兄樸生仲兄象衡皆深研醫理亦往往爲言鞠
通先生事迨余十八九歲而鞠通先生溫病條辨出余雖
不解醫以兩兄談醫故亦偶一寓目焉庚辰臘杪歸自滇
南衰病侵尋慨然有入山采藥之志而是時吾郡能活人
者最稱夏春農先生往來旣久因出是編示余蓋自明以
來民病溫者日多諸溫之中疫毒尤重而疫毒之中於喉

者其來愈急稍一誤治輒可殺人春農乃條分縷析窮源
派委出以淺語雖不知醫者可以共解其仁壽斯民之意
爲何如也因念余兩兄若在於春農是書將必有深契焉
而皆不克自永其年東坡夜雨所爲黯然神傷也鞠通先
生有醫按數卷皆在京師得其稿本昇日將乞春農刪定
以行於世云

光緒辛巳二月同鄉愚弟陳彝拜跋

題詞

春農先生弱冠時在平山吟社中范老呼爲畏友而鄉里素以孝稱其於岐黃之道尤能出奇制勝而當道諸公推重久矣昨以所著疫喉淺論見示實醫家救生之寶筏也因題七古一章既述作者之功更堅學者之信不作良醫作良相中興元氣要培養不爲良相爲良醫庶生疾苦堪扶持問誰能識此深意春農先生抱仁濟求方乞診日盈門按脉手勞心益細昔年喉疹疫江鄉時醫不辨溫與涼寒熱雜進劑妄服城村哭弔多天亡先生起死

偏靈妙心光推置痛腹照病源醫理本紛繁必識其真握
其要古人選藥如選兵兵得其用賊自平更如臨陣應奇
變喉關險要繫死生風寒燥火人虛實吳氏心傳誰悟得
窮思觸會自旁通要須清化驅邪出果然妙手訂方奇一
試再試無弗宜復慮後學誤生命著書揭示爲指迷一時
紙貴千秋寶盲人摸索皆通曉我敬先生救世心證危從
此生機保吁嗟呼庸醫輕命貪錢刀不思此道生殺操孰
是先生淡榮利重人壽命如山高仲聖云賁百年之壽命
持至貴之重器委付凡
醫恣其所措

鴛湖鄭桂稚山氏拜稿

江西醫士痘疹辨

醫士未留名出己亥夏月申報中原篇
太長畧刪一二春農錄候同志參考

凡溫疹發熱時輕時重非若正痘發熱不休或二日現點
非若正痘必三日後現點其現點無定所或由足而身臂
頭面非若正痘必先頭面而身臂四肢其點大小不齊有
已起水剛見點有將結靨者非若正痘必齊苗而後起水
灌漿確乎不紊且正痘發熱手足四末尻骨必冷溫疹發
熱決不三處俱冷溫疹見點間有根脚然正痘根脚圓緊
溫疹根脚散漫五日前類正痘五日後不齊苗起水不灌
漿色晦無光頂尖不平此溫疹正痘之別也又有風痧者

發熱一日或咳嗽而無鼻涕或淚汪汪而不咳嗽遍身見
痧粟小點非若麻子發燒眼淚咳嗽鼻涕三者並到點如
雲片風痧發熱耳根後不見青紫莖麻發熱耳根後必見
青紫莖二個者毒輕莖粗者毒重此風痧與麻之別也忌
服辛溫散藥倘潮熱未清餘邪內蘊只宜清涼則熱退神
清若用升托溫熱內証譫語狂妄津液枯竭變爲紫黑抱
薪救火以致不起可勝慨哉然溫病何害而亦罹此慘厄
耶豈真劫運使然哉抑亦術之不善耳願後之治溫疹風
痧者亟加意焉